

教育部審定

中學校用

卷下

共和國
教科書

本國史

商務印書館出版



教育部審定
共和國教科書
中學用

本

趙玉森 編纂
蔣維喬
傅運森 校訂
譚廉

國

史

下卷

商務印書館發行

三七三八手

中學教科書

本國史卷下

目次

第五篇 近世史	一
第一章 清初之經營	一
第一節 朝鮮之征服	一
第二節 內蒙古之歸附	二
第三節 東北諸地之收服及入關後之布置	三
第二章 三藩之平	五
第三章 臺灣之平	七
第四章 中俄黑龍江之交涉	九
第五章 初征準部及統一外蒙古	一三
第六章 西藏之戡定	一四

第七章	經營青海及再征準部·····	一六
第八章	中俄喀爾喀之交涉·····	一八
第九章	戡定準部及土爾扈特烏梁海之歸附·····	二〇
第十章	回部之救平·····	二三
第十一章	苗族之鎮定·····	二五
第十二章	藩屬諸國之由來·····	二八
第十三章	康熙乾隆三朝之政略及文獻·····	三三
第十四章	仁宗時之兵禍·····	三五
第十五章	回疆變亂及浩罕之交涉·····	四〇
第十六章	鴉片之戰·····	四二
第十七章	太平天國之起滅·····	四八
第十八章	英法同盟軍之役·····	五一
第十九章	俄約之紛紜·····	五六

第二十章	捻匪之亂·····	五九
第二十一章	回亂之平及伊犁糾葛·····	六〇
第二十二章	外藩之他屬·····	六二
第一節	安南·····	六二
第二節	緬甸及暹羅·····	六四
第三節	琉球及朝鮮·····	六五
第二十三章	各國軍港之租借·····	六七
第二十四章	戊戌政變·····	六八
第二十五章	庚子之亂·····	七〇
第二十六章	日俄關東之戰·····	七二
第二十七章	西藏領土權之爭議·····	七五
第二十八章	憲政之紛議·····	七七
第二十九章	民軍起義及清帝之退位·····	七九

第三十章 近世期文化……………八一

第一節 制度……………八一

第二節 學術……………八六

第三節 宗教……………八九

第四節 技藝……………九〇

第五節 產業……………九二

第六節 風俗……………九四

第三十一章 近世期概說……………九八

第六篇 現代史……………九九

第一章 中華民國之肇興……………九九

第一節 民軍未起以前之動機……………九九

第二節 民軍之奮起……………一〇一

第三節 南京臨時政府之成立……………一〇二

第二章	南京臨時政府……………	一〇四
第一節	民軍及清廷之議和……………	一〇四
第二節	南北軍民之傾向共和及議告成……………	一〇六
第三節	南北統一及臨時政府之移建北京……………	一〇八
第三章	北京臨時政府……………	一一〇
第一節	臨時政府組織之綱要……………	一一〇
第二節	國會之召集及其成立……………	一一一
第三節	選舉正式總統及列邦承認……………	一一三
第四章	現代之文化……………	一一四
第一節	制度……………	一一四
第二節	學術……………	一一六
第三節	宗教……………	一一八
第四節	技藝……………	一一八

第五節 產業……

一一〇

第六節 風俗……

一一一

第五章 現代期概說……

一一三

教科書 本國史卷下

第五篇 近世史

第一章 清初之經營

第一節 朝鮮之征服

朝鮮助明之原因

皮島與朝鮮爲犄角

先是朝鮮爲日本所攻。幾亡國。賴明援得全。以故深德明。薩爾滸之役。朝鮮將姜功烈等。出師助明。及戰敗。功烈以殘衆五千降滿洲。滿洲歸其部將十餘。以書遺之。不報。其王琿聞滿洲將圖己。上書乞援。明降勅慰諭。時明將毛文龍招逃民爲兵。守皮島。鮮在鴨綠江口朝而仰餉於朝鮮。與爲犄角。會朝鮮廢王琿立其姪倭。朝鮮叛人走滿洲。願爲嚮導。滿洲將阿敏攻朝鮮。先破文龍兵於鐵山。州朝鮮義進破義州諸城。渡大同江。在朝鮮南部長驅深入。朝鮮乞援於明。乞和於滿。之使相望於道。袁崇煥以水師援文龍。又遣諸將將精兵。偪三岔河。在海城縣西用相牽制。清太宗恐明窺虛實。親出巡邊。耀兵遼河岸以爲備。時滿軍已逼朝鮮都城。倭挈妻子遁江華島。在漢江口滿軍無

朝鮮與滿洲約爲兄弟國

清降朝鮮

清取皮島

明中葉後蒙古之形勢

科爾沁修好滿洲

舟不能渡。乃許和約爲兄弟國。盟而還。明師亦退。無何。袁崇煥以事戮。文龍諸島兵無主。滿洲欲乘虛取之。徵舟師於朝鮮。倭以事明。猶父婉辭相謝。已而文龍部下孔有德等。自登州山東蓬萊率舟師降滿。滿勢益張。更國號爲清朝。朝鮮始終不貳。明與清抗。清太宗親督諸軍入朝鮮。克其都城。倭奔南漢山城。在都城南告急於明。明遣將調各鎮舟師赴援。出海守風不敢渡。清圍南漢山城。破朝鮮諸道援兵。獲倭妻子於江華。倭乃上明所給封冊。以藩臣禮納貢於清。清既降朝鮮。皮島勢孤。夾攻取之。由是明失東方大臂助。

第二節 內蒙古之歸附

蒙古部落自明中葉以來。大別爲三。自瀚海以北。今外蒙古一帶地。爲漠北蒙古。亦稱喀爾喀。喀爾喀東南。今奉天北部。爲科爾沁。科爾沁西南。今熱河察哈爾綏遠等地。爲漠南蒙古。漠南蒙古部落不一。而以察哈爾即漢兒插爲大宗。終明之世。喀爾喀爲瀚海所隔。與中國交涉甚稀。其餘諸部。當明清之交。爲戰爭潮流所激宕。附此敵彼。轉徙無常。科爾沁曾與扈倫諸部聯合攻滿洲。爲滿洲所敗。未幾。遂遣使修好。時察

清滅察哈爾營

東海部之經營

哈爾林丹汗士馬強盛。橫行漠南。破喀喇沁。在熱河南部滅土默特。在喀喇沁東東西馳逐。所至掠奪。諸部不堪其虐。其北走者。渡瀚海。依喀爾喀。其東走者。則依科爾沁。林丹汗惡科爾沁通滿洲。又怒其納漠南逃人也。悉師攻之。科爾沁不能敵。率衆歸滿洲。由是內蒙古諸部。次第至滿洲通款。乞援師。明廷以遼事日棘。歲賂林丹汗百餘萬。使爲屏障。林丹汗頗助明攻遼東。清太宗亦數遣師報之。俘掠無算。林丹汗以諸部瓦解。威稜日衰。於是清太宗自將往攻之。會遼河漲溢。軍士冒潦晝夜行。乘林丹汗不備。踰內興安嶺。千三百里至其庭。林丹汗部衆潰。走死青海。其子額哲亦爲清軍所逼。奉傳國璽降。

第三節 東北諸地之收服及入關後之布置

方滿洲之併有扈倫也。同時復經略東海。東海諸部。在吉林寧古塔以東。東南濱日本海。就中瓦爾喀者。當今烏蘇里江上流。至綏芬河以西。濱海一帶。皆其部落。與朝鮮咸鏡道相隣。當清太祖時。嘗屢攻其地。收其降人。又以瓦爾喀部衆。頗有流寓朝鮮者。請於明。明諭朝鮮放還千餘戶。迨太宗時。復分兵四路。各攜嚮導。造海舩。次第

收其濱海島丁。自是瓦爾喀大部皆服。瓦爾喀西北有庫爾哈者。佔虎爾哈河。今名牡丹

江在吉林寧安縣東南流域。清太祖嘗遣額亦都俘其札庫塔。今吉林琿春西人。未幾其部長

以百戶來歸。太祖善遇之。部衆踵至。太宗復遣阿爾津等。征服其部落之居黑龍江

下流者。自是庫爾哈亦平。其餘東海小部。若諾羅路。在烏蘇里江西側若諾哲。黑龍

流兩若薩哈連路。濱特山脈東北麓若鄂倫春。在黑龍江兩岸皆先後歸附。而兵威所及。

直抵海中庫頁島。一名薩哈連島。日本於是自黑龍江以南。圖們江以北。濱海部落。

及其附近大小羣島。盡入清版圖。

索倫部之
經營

是時黑龍江上流北岸。至外興安嶺之麓。復有索倫部。其部長嘗入貢。太宗聞其俗
善騎射。遣霸奇蘭率兵渡江。收其壯丁。厥後叛服無常。因遣穆什哈等征之。俘獲甚
多。又調蒙古兵。平其餘衆。於是遼金以來。散居東北境之鮮卑部落。悉統於滿洲。根
本既固。乃得壹意從事於中原。

多爾袞爲
皇父攝政
王

清世祖之入關也。以睿親王多爾袞。豫親王多鐸。兄弟之力居多。多爾袞破燕京。迎
世祖帝中國。又派遣諸將。平明季諸帝。及四方雲起之義師。厥功至偉。帝尊以爲皇

嚴分滿漢之界

封三藩

三藩亂因

父攝政王。嗣以田獵。卒於塞外。帝衰經郊迎。喪祭如帝禮。上廟號曰成宗。義皇帝。未幾。廷臣舉宮省往事。糾劾多爾袞。乃追削廟享。多鐸爲多爾袞同母弟。血戰功高。至是亦降封爲郡王焉。帝於開國規制。多採之降臣洪承疇。其劃分滿漢之界。太嚴。頗滋惡感。又使平西王吳三桂。平南王尚可喜。靖南王耿繼茂。分駐雲南。廣東。福建。爲以漢防。漢策。謂之三藩。亦胎禍本。帝卒。聖祖玄燁嗣。

第二章 三藩之平

三藩中以吳三桂爲最強。握兵馬財政兩大權。又專選政。凡所除授。號曰西選。西選官遍天下。水陸衝要。概置私人。子應熊。又尙主居京。伺朝廷動靜。根蒂旣固。異志益堅。而同時平南尙氏。靖南耿氏。均以驕暴聞。漸成崩裂之勢。聖祖久欲除之。而未得其便。會尙可喜。見制於其子之信。請歸老遼東。而以之信守粵。帝令撤平南全藩。三桂及靖南嗣王耿精忠。聞之。亦疏請安插。以相嘗試。帝因決議徙藩。三桂自負功高。朝廷終不奪其分土。當溫詔慰留。比徙藩詔下。全藩震動。反謀益亟。然以滇蜀阻隘。難進。非舉兵之地。欲行至中原而後發。因謬爲恭順。陰事部勒。會巡撫朱國治。驅之

吳三桂稱
周王

王輔臣起
兵

王輔臣降

耿精忠起
兵

急。因殺國治。自稱周王。舉兵反。滇督甘文焜戰死。京師大震。帝止平南靖南兩藩。勿撤布三桂罪狀。令勒爾錦統師至荊州。瓦爾喀率騎兵赴蜀討之。三桂分遣部將王屏藩馬寶龔應麟等進攻川湘常德長沙岳澧衡。均在今湖南相繼下襄陽桂林四川皆響應。耿精忠亦乘機起兵。旬日之間。滇黔湘閩桂六省悉脫清羈絆。三桂親赴常澧督戰。布置甚周。清兵之集荊襄等郡者。莫敢渡江以撓其鋒。帝殺三桂子應熊。命多製輕便大礮。供給軍用。三桂以大隊扼湖南。分兵窺秦贛。並由贛與精忠兵合。所至輒破。帝遣賴塔禦精忠。尙善攻岳岳樂赴贛。傑書規閩。指揮甫定。而陝西又有王輔臣之兵起。殺經略莫洛。取漢中。應三桂。三桂給輔臣犒師銀。又命將出漢中相接。應甘肅盡下。三桂欲取道秦蜀直指京師。未幾。輔臣爲清將圖海所擊降。於是三桂失陝甘之助。

方耿精忠之起兵也。曾遣使臺灣鄭經共謀恢復。

詳下章

旋以事隙互相攻。清將傑書

岳樂等乘之。精忠所部分三路。中路以馬九玉爲將。據金衢。

均在今浙江

東路以曾養性

爲將。據溫台。

均在今浙江

西路以白顯忠爲將。據廣信建昌饒州。

均在今江西

及是中路見破。

耿精忠降

尙之信起兵

尙之信降

吳三桂稱周帝

吳三桂死

吳世璠自殺

臺灣開闢之原委

西路隨降。精忠不得已。遣子獻印於清軍。東路亦降。於是三桂又失浙、閩之助。

當三桂與精忠聯合時。尙可喜。嘗執其使者。以所遺勸降書奏清廷。清封爲親王。可喜東西受擊。清遣舒恕等援之。軍至而其子之信已起兵。受三桂招討大將軍號。傳檄各郡。聲勢頗壯。粵督撫同時附三桂。可喜以憂卒。三桂促之信進兵。索助餉。又別遣將守衝要。之信悔。復降清。於是三桂又失廣東之助。

時三桂既連失數助。又失江西及廣西之大半。領地日削。賦稅所入。不足供軍需。懼

諸將解體。欲示威重以鎮人心。乃稱周帝。都衡州。湖南衡陽置百官。封諸將。尋發兵下郴

州。湖南郴縣攻永興。湖南永興會三桂死。皆引還。衆迎三桂孫世璠於雲南。立爲帝。已而清軍

破衡州。及常德、長沙、岳州等郡。進迫貴陽。貴州貴陽世璠走雲南。清將趙良棟、賴塔合圍

之。世璠自殺。雲貴悉定。計是役連兵凡九年。自康熙二十一年至二十二年蔓延且十省。是爲清室代

明。後人民所再罹慘烈之戰禍。

第三章 臺灣之平

臺灣爲閩海中巨島。與閩疆相脣齒。明世宗時。林道乾領有其地。爲琉球人所逐。至